

**წყალტუბოს მუნიციპალიტეტის მერის მიერ გაწეული საქმიანობის ანგარიში**  
**მუნიციპალიტეტის მერი გრიგოლ იოსელიანი**

**ანგარიშის ტიპი - რიგითი**

**1. მუნიციპალიტეტის მერმა მერიის ორგანიზაციული საქმიანობის სფეროში**

ადგილობრივი თვითმმართველობის კოდექსისა და წყალტუბოს მუნიციპალიტეტის მერიის დებულების შესაბამისად, მუნიციპალიტეტის მერის ხელმძღვანელობითა საანგარიშო პერიოდში წყალტუბოს მუნიციპალიტეტის მერიაში შემავალი სტრუქტურული ერთეულები ატარებდნენ კონკრეტულ ღონისძიებებს მუნიციპალიტეტის ტერიტორიაზე ერთიანი ეკონომიკური, სოციალური და კულტურულ-საგანმანათლებლო პოლიტიკის განხორციელებისთვის. მერის მიერ სისტემატურად ხორციელდებოდა 2021 წლის ადგილობრივი ბიუჯეტით დამტკიცებული მიზნობრივი პროგრამების, პროექტების შემუშავების სამუშაოთა კოორდინაცია და მათი შესრულების კონტროლი. გატარდა რიგი ღონისძიებები covid-19 -ის პრევენციის, სადეზინფექციო სამუშაოებისა და შეჭივრებული მოსახლოების დაზრდაში მიზნით. საანგარიშო პერიოდში წყალტუბოს მუნიციპალიტეტის მერის უფლებამოსილება ხორციელდებოდა მერიის ადმინისტრაციული და შესყიდვების; საფინანსო – საბიუჯეტო; ეკონომიკური განვითარებისა და ქონების მართვის; სივრცითი მოწყობის, ინფრასტრუქტურის, არქიტექტურისა და კეთილმოწყობის; ზედამხედველობის; ჯანმრთელობისა და სოციალური დაცვის; კულტურის, განათლების, სპორტისა და ახალგაზრდობის საქმეთა; სამხედრო აღრიცხვის, გაწვევისა და მობილიზაციის; შიდა აუდიტისა და მონიტორინგის სამსახურების მეშვეობით.

მუნიციპალიტეტის მერიის საქმისწარმოების განყოფილების მიერ დამუშავდა (დოკუმენტების რეგისტრაციაში გატარება, რეზოლუციისათვის მომზადება, ადრესატებისათვის გადაცემა) 5008 განცხადება და 6395 წერილი. გასული წერილების რაოდენობამ შეადგინა 1967, მომზადდა 844 სამართლებრივი აქტი, მთავრობის კანცელარიაში გაიგზავნა 23, საქართველოს პარლამენტში - 34, რწმუნებულის აპარატში-218, სამინისტროებში -1278, საკრებულოში -172 წერილი, გაგზავნილ იქნა- 888 საფოსტო გზავნილი.

საანგარიშო პერიოდში წყალტუბოს მუნიციპალიტეტის მერიაში საჯარო ინფორმაციის მოთხოვნით შემოსულია 41 განცხადება. აქედან ყველა დაკამაყოფილდა დადებითად, საჯარო ინფორმაციის გაცემის მოთხოვნაზე უარის თქმისა და შესაბამისი გასაჩივრების ფაქტებს ადგილი არ ქონია.

მუნიციპალიტეტის მერი ხელმძღვანელობდა წყალტუბოს მუნიციპალიტეტის ფიზიკური და კერძო სამართლის იურიდიული პირების მფლობელობაში (სარგებლობაში) არსებული მიწის ნაკვეთებზე საკუთრების უფლების აღიარების მუდმივმოქმედი კომისიის, წყალტუბოს მუნიციპალიტეტის 2021 წლის სარეზერვო ფონდიდან თანხის განკარგვის მიზნით შექმნილი კომისიის, სატენდერო კომისიის, მოქალაქეობის დადგენის მიზნით პირის წყალტუბოს მუნიციპალიტეტის ტერიტორიაზე ცხოვრების (ყოფნის) ფაქტის დამდგენი კომისიის, პატივგების კომისიის, სტიქიის, ხანძრის შედეგად დამდგარი ზარალის აღრიცხვის შესწავლის,

შეფასებისა და დახმარების ოდენობის განსაზღვრის კომისიის, სათნოების სახლის ბენეფიციართა სიის დამდგენი კომისიის სხდომებში.

**2. მუნიციპალიტეტის მერმა მუნიციპალიტეტის საკრებულოსთან ურთიერთობის სფეროში განახორციელა შემდეგი საქმიანობა:**

საკრებულოს თავმჯდომარეს რიგგარეშე სხდომების მოწვევის თაობაზე გაეგზავნა 2 წერილი.

საკრებულოს დასამტკიცებლად წარედგინა მუნიციპალიტეტის ბიუჯეტში შესატანი 4 ცვლილება.

**3. მუნიციპალიტეტის მერმა საფინანსო-საბიუჯეტო საქმიანობის სფეროში განახორციელა შემდეგი საქმიანობა**

ბიუჯეტი დაიგეგმია მოქალაქეთა საჭიროებებიდან და წყალტუბოს როგორც კურორტის განვითარების მიზნიდან გამომდინარე

2021 წლის ბიუჯეტი დამტკიცდა 16 361 500 ლ.

შემოსავლები გადასახადებიდან -3 200 000ლ.

მ/შ დღგ-10 511 500ლარი, ქონება-2 600 000ლ.

არასაგადასახადო შემოსავლები-2 980 000 ლ.

არაფინანსური აქტივების კლება-100 000ლ.

მიზნობრივი ტრანსფერი-170 000ლარი

განხორციელებული ცვლილებებით, 1 ოქტომბრის მდგომარეობით ბიუჯეტი განისაზღვრება 28 677 600 ლარით;

აღნიშნული ზრდა ძირითადად გამოწვეული იქნა რგფ-დან გამოყოფილი თანხით, რომელმაც შეადგინა 6 231 200 ლარი, აღნიშნული თანხა მიმართულია სხვადასხვა მსხვილი ინფრასტრუქტურის პროექტის განსახორციელებლად.

2121 წლის ბიუჯეტში თავდაცვა განისაზღვრა- 112 200ლ.

ინფრასტრუქტურის მშენებლობა რეაბილიტაცია- 12 343 800ლ.

განათლება-2700000 ლ.

კულტურა-1250500 ლ.

მოსახლეობის ჯანდაცვა და სოციალური უზრუნველყოფა -1564900ლ.

განვლილ პერიოდში ბიუჯეტში საგადასახადო შემოსავლები მობილიზებულია -9 715 985 ლ.

არასაგადასახადო შემოსავლები -2 004 500 ლ.

ტრანსფერი-გრანტები- 6 702 672ლ.

არაფინანსური აქტივების კლება 372000ლ.

#### 4. მუნიციპალიტეტის მერმა ეკონომიკური განვითარებისა და ქონების მართვის სფეროში

მომზადებული დოკუმენტაციის საფუძველზე არაპრივატიზებული საცხოვრებელი და არასაცხოვრებელი (იზოლირებული და არაიზოლირებული) ფართობის კანონიერი მოსარგებლებისათვის უსასყიდლოდ საკუთრებაში გადაცემის განხორციელების მიზნით 14 მოქალაქეს გადაეცა საცხოვრებელი ფართობი საკუთრებაში და გაიცა შესაბამისი საკუთრების მოწმობები.

სახელმწიფოდან გადმოცემული იქნა წყალტუბოს მუნიციპალიტეტის საკუთრებაში არსებული შემდეგი ქონება:

წყალტუბოს მუნიციპალიტეტის სოფელ მაღლაკში მდებარე 732.0 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა.

წყალტუბოს მუნიციპალიტეტის ტერიტორიაზე განთავსებული 17 ერთეული უძრავი ქონება. ქალაქ წყალტუბოში, 9 აპრილის ქუჩა, 1-ლი შესახვევი, N4-ში მდებარე 9725 კვ.მ. არასასოფლო-სამეურნეო დანიშნულების მიწის ნაკვეთი. საკ.კოდი N29.08.37.210.

წყალტუბოს მუნიციპალიტეტის სოფელ ფარცხანაყანევში მდებარე 211 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული შენობა-ნაგებობა.

წყალტუბოს მუნიციპალიტეტის სოფელ ბანოჯაში მდებარე 300 კვ.მ. არასასოფლო-სამეურნეო დანიშნულების მიწის ნაკვეთი. ზემოაღნიშნული უძრავი ქონებები ესაჭიროებოდა მუნიციპალიტეტს საკუთრი უფლებამოსილების განსახორციელებლად (საბავშვო ბაღის მშენებლობისთვის, სპორტული მოედნების, სკვერების, ბილიკების მოსაწყობად), უძრავი ქონებები, რომლებიც გადმოცემულია სამოქალაქო ბიუჯიტირების ფარგლებში მოქალაქეთა განცადებების საფუძველზე მათ მიერვე დასახელებული პრიორიტეტების გასახორცილებლად და უძრავი ქონებები, რომლებიც გადმოცემულია მოქალაქეთა განცხადებების საფუძველზე შემდგომში პრივატიზების განხორციელების მიზნით.

გადაცემული იქნა წყალტუბოს მუნიციპალიტეტის საკუთრებაში არსებული შემდეგი ქონება:

წყალტუბოს მუნიციპალიტეტის სოფელ გვიშტიბში მდებარე შენობაში განთავსებული 79.1 კვ.მ. ფართი უსასყიდლო უზუფრუქტის ფორმით გადაეცა ოჯახის ექიმს, ფიზიკურ პირს ჯულიეტა ირემაძეს.

წყალტუბოს მუნიციპალიტეტის სოფელ გვიშტიბში მდებარე შენობაში განთავსებული 79.1 კვ.მ. ფართი უსასყიდლო უზუფრუქტის ფორმით გადაეცა ოჯახის ექიმს. ფიზიკურ პირს ნათავი ლიკლიკაძეს საბანკო მომსახურეობის გაწევის მიზნით, უსასყიდლო უზურფუქტის ფორმით გადაეცა, წყალტუბოს მუნიციპალიტეტის სოფელ გვიშტიბში მდებარე, წყალტუბოს მუნიციპალიტეტის საკუთრებაში არსებული შენობის პირველ სართულზე განთავსებული 21.67 კვ.მ. ფართი. -ა(ა)იპ „წყალტუბოს მუნიციპალიტეტის სპორტული კლუბების გაერთიანებას“ უსასყიდლო უზუფრუქტის ფორმით გადაეცა ქალაქ წყალტუბოში, 9 აპრილის ქუჩა, 1-ლი შესახვევი, N4-ში მდებარე 9725 კვ.მ. არასასოფლო-სამეურნეო დანიშნულების მიწის ნაკვეთი. -ა(ა)იპ „წყალტუბოს მუნიციპალიტეტის საბავშვო ბაღების გაერთიანებას“ უსასყიდლო უზუფრუქტის ფორმით გადაეცა ქალაქ წყალტუბოში, 9 აპრილის ქუჩა, N15-ში მდებარე უძრავი ქონება (საბავშვო ბაღი).

საქართველოს საპატრიარქოს უსასყიდლო აღნაგობის ფორმით გადაეცა ქალაქ წყალტუბოში, 9 აპრილის ქუჩა, მე-3 შესახვევი, N12-ში მდებარე 3517 კვ.მ. არასასოფლო- სამეურნეო დანიშნულების მიწის ნაკვეთი.

ა(ა)იპ წყალტუბოს მუნიციპალიტეტის კეთილმოწყობისა და დასუფთავების სამსახურს საკუთრებაში გადაეცა 100 ( ასი ) ერთეული ნაგავშემკრები კონტეინერი. მოქალაქეთა

განცხადებების საფუძველზე სარგებლობის უფლებით, იჯარით იქნა გაცემული წყალტუბოს მუნიციპალიტეტის საკუთრებაში არსებული უძრავი ქონებები სამეწარეო საქმიანობის განხორციელების მიზნით.

ადგილობრივი მოსახლეობის ინტერესების გათვალისწინებითა და მოთხოვნის საფუძველზე შპს „მაგთიკომს”, ს/ს „სილქნეტს”, შპს „ტელეკომს” სარგებლობის უფლებით, პირდაპირი განკარვის წესით იჯარის უფლებით გადაეცათ წყალტუბოს მუნიციპალიტეტის საკუთრებაში არსებული ხაზობრივი ნაგებობები-გარე განათების ბოძები, ოპტიკურ-ბოჭკოვანი კაბელის-ინტერნეტის გატარებისთვის მოსახლოებისმომსახურების მიზნით.

ელექტრონული აუქციონის ფორმით პრივატიზებულ იქნა 2 ერთეული უძრავი ქონება, ასევე მოძრავი ქონებები.

საანგარიშო პერიოდში მუნიციპალიტეტის ბიუჯეტში (შენობა-ნაგებობები) იჯარის ფორმით გადაცემული ხელშეკრულებით შეტანილმა თანხამ შეადგინა 83 579,33 ლარი.

განხორციელდა შესვედრები წყალტუბოს მუნიციპალიტეტის სოფლებში ადმინისტრაციულ ერთეულებში მერის წარმომადგენლებთან ფერმერებთან და სხვა დაინტერესებულ პირებთან აზიური ფაროსანას წინააღმდეგ ბრძოლის მექანიკურ და ქიმიურ ღონისძიებებთან დაკავშირებით. ასევე, შესვედრაზე გაცნობილი იქნა ის პროგრამები, რომლებიც ხორციელდება საქართველოს გარემოსდაცვისა და სოფლის მეურნეობის სამინისტროს მიერ ესენია „აწარმოე საქართველოში“, „დანერგე მომავალი“, „აგროწარმოების ხელშეწყობის პროგრამა“ და სხვა.

### აღმასრულებელი საქმიანობის სხვა სფეროებში

#### განხორციელდა შემდეგი საქმიანობა:

ადამიანური რესურსების მართვის სფეროში:

შემუშავებულ იქნა 2021- 2025წ. ადამიანური რესურსების მართვის სტრატეგია მოამზადდა პროფესიულ საჯარო მოხელეთათვის კლასების მინიჭებისა და საკლასო დანამატის განსაზღვრის შესახებ და წყალტუბოს მუნიციპალიტეტის მერიის პროფესიული საჯარო მოხელეების შეფასების სისტემის დამტკიცებისა და საჯარო მოხელეთა ქულათა სისტემის განსაზღვრის შესახებ ბრძანებები.

უზრუნველყოფილ იქნა 76 საჯარო მოხელის 2021 წლის შუალედური შეფასების პროცედურების განხორციელება.

უზრუნველყოფილ იქნა საჯარო სამსახაურის ბიუროს მიერ ადმინისტრირებად ვებ-გვერდზე - Hr.gov.ge ვაკანტურ თანამდებობებზე გამოცხადებული კონკურსის პირობების განთავსება

ჩატარდა 4 კონკურსი, მომზადდა 3 საჯარო მოხელის გამოსაცდელი ვადით და 6 განუსაზღვრელი ვადით დანიშვნის ბრძანებები, მომზადდა 4 მოხელის განთავისუფლების ბრძანება; მომზადდა 3 შრომითი ხელშეკრულების დოკუმენტები.

მომზადდა მივლინების - 80 , შვებულების - 218 , საჯარო მოხელის სამსახურეობრივი უფლება მოსილების შეჩერების შესახებ -14, ბიულეტინის დახურვის -10 და საჯარო მოხელისათვის ფუნქციების დაკისრების - 7; პორიზონტალურად გადაყვანის 1 დოკუმენტი.

## საზოგადოებასთან ურთიერთობის სფეროში

წყალტუბოს მუნიციპალიტეტის ადმინისტრაციულ ერთეულებსა და ქალაქ წყალტუბოს მჭიდროდ დასახლებულ უბნებში განხორციელდა მოსახლეობასთან სამთავრობო გუნდის წარმომადგენლების, სამხარეო ადმინისტრაციისა და ადგილობრივი თვითმმართველობის პირების 40-ზე მეტი შეხვედრა.

სისტემატიურად ხდებოდა მუნიციპალიტეტში განვითარებული მთავარი მოვლენების შესახებ შესაბამისი მასალებისა და ვიდეო კადრების ცენტრალური და რეგიონული ტელევიზიებისთვის მიწოდება, პერიოდულად შექდებოდა პანდემიის პერიოდში კოვიდ -19 თან მიმართებით არსებული მდგომარეობა და ზოგადად ის ღონისძიებები, რომლებსაც ადგილობრივი თვითმმართველობა ახორციელებდა;

აღნიშნულ პერიოდში წყალტუბოს მუნიციპალიტეტში განვითარებული მოვლენების, სამთავრობო სტრუქტურების წარმომადგენლებისა და ადგილობრივი თვითმმართველობის პირები პირების ოფიციალური შეხვედრების, თათბირების, ინფრასტრუქტურული პროექტებისა და სხვადასხვა ღონისძიებების შესახებ ინფორმაციები განთავსებული იქნა წყალტუბოს მუნიციპალიტეტის ოფიციალურ ვებგვერდზე ([www.tsakaltubo.gov.ge](http://www.tsakaltubo.gov.ge)), ასევე სოციალურ ქსელში კერძოდ, ფეისბუქზე წყალტუბოს მუნიციპალიტეტის ოფიციალურ გვერდსა და მერის გვერდზე, აღნიშნული მასალები გავრცელდა სააგენტოებში „აპრესი“, „იმედინიუსი“, „ფრონტიუსი“.

მომზადდა 2021 წლის საანგარიშო პერიოდში განხორციელებული ინფრასტრუქტურული პროექტების ფოტო-ვიდეო მასალები.

უზრუნველყოფილ იქნა 2018-2021 წლებში წყალტუბოში განხორციელებული პროექტების, სოციალური პროგრამების, ეკონომიკის, ზედამხედველობის, ჯანმრთელობის, კულტურის სფერობში მერის მიერ გატარებული ღონისძიებების შესახებ პრეზენტაციის მომზადება და მოსახლობისთვის წარდგენა.

## იურიდიული საქმიანობის სფეროში

კანონმდებლობით გათვალისწინებული ვალდებულებების შესრულების მიზნით მომზადდა მერის 32 ბრძანების პროექტი;

ადმინისტრაციულ-სამართლებრივი აქტების პროექტების სამართლებრივი ექსპერტიზა და ვიზირება გაცემულ იქნა 500 დოკუმენტზე;

„ადგილობრივი თვითმმართველობის კოდექსის“ მე - 16 მუხლით გათვალისწინებული უფლებამოსილების შესრულების მიზნით, 2021 წლის განმავლობაში მომზადდა და წყალტუბოს

მუნიციპალიტეტის საკრებულოს წარედგინა დასამტკიცებლად 6 დადგენილების პროექტი მათ შორის:

1., „წყალტუბოს მუნიციპალიტეტის მერიის საშტატო ნუსხის დამტკიცებისა და თანამდებობის პირთა და სხვა მოსამსახურეთა თანამდებობრივი სარგოების ოდენობის განსაზღვრის შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის №52 დადგენილებაში ცვლილების შეტანის თაობაზე“ წყალტუბოს მუნიციპალიტეტის საკრებულოს დადგენილების პროექტი.

2. „წყალტუბოს მუნიციპალიტეტის მერიის დებულების დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის № 42 დადენილებაში ცვლილების შეტანის შესახებ საკრებულოს დადგენილების პროექტი.

3. „წყალტუბოს მუნიციპალიტეტის მერიის პირველადი სტრუქტურული ერთეულის – ჯანმრთელობისა და სოციალური დაცვის სამსახურის დებულების დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის №49 დადგენილებაში ცვლილების შეტანის შესახებ საკრებულოს დადგენილების პროექტი;

4. „ღია მმართველობის პარტნიორობის“ ( OGP) თანამშრომლობის ფარგლებში, ონლაინ პლატფორმის მეშვეობით, „შენი იდეა მერს“ განხორციელების წესის დამტკიცების შესახებ“ წყალტუბოს მუნიციპალიტეტის საკრებულოს დადგენილების პროექტი.

მუნიციპალიტეტის საქმიანობის მარეგულირებელი წესის დადგენის მიზნით მომზადდა ასევე საკრებულოს 2 განკარგულების პროექტი :

1. „2021 წლის 2 ოქტომბრის მუნიციპალიტეტის წარმომადგენლობითი ორგანოს – საკრებულოს და თვითმმართველი ქალაქის/თვითმმართველი თემის მერის არჩევნებისათვის წყალტუბოს მუნიციპალიტეტის ტერიტორიაზე საარჩევნო სააგიტაციო მასალის განთავსების რეგულირების შესახებ“ წყალტუბოს მუნიციპალიტეტის საკრებულოს განკარგულების პროექტი;

2. „2021 წლის 2 ოქტომბრის მუნიციპალიტეტის წარმომადგენლობითი ორგანოს - საკრებულოს და თვითმმართველი ქალაქის/თვითმმართველი თემის მერის არჩევნებისათვის წყალტუბოს მუნიციპალიტეტის ტერიტორიაზე წინასაარჩევნო კამპანიისათვის (აგიტაცია) შენობანაგებობების ნუსხის განსაზღვრის შესახებ“ წყალტუბოს მუნიციპალიტეტის საკრებულოს განკარგულების პროექტი.

უზრუნველყოფილი იქნა სასამართლოში წარსადგენი საპროცესო დოკუმენტაციის (სარჩელი, განცხადება, შუამდგომლობა, შესაგებელი, საჩივარი და ა.შ) მომზადება 25 ადმინისტრაციულ და სამოქალაქო საქმეზე და მათი კანონმდებლობით დადგენილი წესით და ვადებში წარდგენის უზრუნველყოფა შესაბამისი ინსტანციის სასამართლოში. მათ შორის:

- მომზადდა 6 სამოქალაქო სარჩელი; 6 შესაგებელი ( 3 სამოქალაქო საქმე, 3 ადმინისტრაციული საქმე); 4 საპელაციო საჩივარი, 4 საკასაციო საჩივარი

მინდობილობის საფუძველზე უზრუნველყოფილი იქნა წყალტუბოს მუნიციპალიტეტის მერიის კანონიერი ინტერესების დაცვა სასამართლოში 15 საქმეზე , აქედან 2 სამოქალაქო საქმეზე და 13 ადმინისტრაციულ საქმეზე.

აღნიშნულ საქმეებთან დაკავშირებით წლის განმავლობაში მიმდინარეობა სასამართლო სხდომები (მოსამზადებელი, მთავარი). დღეის მდგომარეობით უმრავლესობა განხილვის ეტაპზეა და არ არის დასრულებული.

პირველი ინსტანციის სასამართლოში მერიის სასარგებლოდ დასრულდა 2 სამოქალაქო საქმე : მოსარჩელე თორნიკე ჯიქიას - რომელიც შეეხება უკანონო გათავისუფლებასა და სამსახურში აღდგენას, აღნიშნული სარჩელის განხილვის შედეგად მერიის სარჩელი დაკმაყოფილდა სრულად და კანონიერად ჩაითვალა აიპის ხელმძღვანელის გათავისუფლების ბრძანება;

შპს „გზამშენი 2017“-ის საქმის განილვა, რომეციც შეეხებოდა ხელშეკრულებით ნაკისრი ვალდებულების დარღვევის გამო პირგასამტებლოს დაკისრებას, მერიის სარჩელი დაკმაყოფილდა „გზამშენი 2017“-ს წყალტუბოს მუნიციპალიტეტის მერიის სასარგებლოდ დაეკისრა 8255,2 ლარის გადახდა.

ასევე 4 ადმინისტრაციული საქმე:

მოსარჩელების დოდო თედორაძის, გოჩა ჯიაძის და გულნარა უჯმაჯურიძის საქმის განილვა, არ დაკმაყოფილდა საჩივარი და მერიის მიერ გამოცემული აქტი კანონიერად იქნა ცნობილი.

მოსარჩელე ანზორ თევდორაძის საქმის განხილვა, არ დაკმაყოფილდა საჩივარი და მერიის მიერ გამოცემული აქტი კანონიერად იქნა ცნობილი.

2 საქმესთან დაკავშირებით მოსარჩელე მარები კუჭავასა და მოსარჩელე ნატული ბერაძის საქმის განხილვა, რომელთა საჩივრები არ დაკმაყოფილდა და წყალტუბოს მუნიციპალიტეტის აღმასრულებელ ორგანოსთან არსებულ თვითნებურად დაკავებულ მიწაზე საკუთრების უფლების აღიარების კომისიის განკარგულებები კანონიერად იქნა ცნობილი.

მეორე ინსტანციის სასამართლოში მერიის სასარგებლოდ დასრულდა 1 ადმინისტრაციული საქმე :

მოსარჩელე ნათელა ახალაძის სააპელაციო საჩივარი არ დაკმაყოფილდა და წყალტუბოს მუნიციპალიტეტის აღმასრულებელ ორგანოსთან არსებულ თვითნებურად დაკავებულ მიწაზე საკუთრების უფლების აღიარების კომისიის განკარგულება კანონიერად იქნა ცნობილი.

რაც შეეხება დანარჩენ სასამართლო პროცესებს მიმდინარეობს წარმოება და ამ ეტაპზე განხილვა არ არის დასრულებული.

მუნიციპალიტეტის მერმა აღმასრულებელი საქმიანობის სფეროში მოსახლეობის ჯანმრთელობის დაცვისა და სოციალურ პირობების გაუმჯობესების მიზნით უზრუნველყო შემდეგი ღონისძიებების გატარება:

დემოგრაფიული მდგომარეობის გაუმჯობესებისათვის მესამე შვილის შეძენის გამო 500 ლარი დაზმარების სახით მიიღო 34 ოჯახმა, მეოთხე შვილის შეძენის გამო მუნიციპალიტეტში მცხოვრებმა 7 ოჯახმა დაზმარების სახით მიიღო - 700 ლარი, მეხუთე შვილის შეძენის გამო 4 ოჯახმა მიიღო 1000 ლარი, მეექვსე შვილის შეძენის გამო 2 ოჯახს ჩაერიცხა - 1000 ლარი, მეშვიდე შვილის შეძენის გამო 1000 ლარი გამოეყო 2 ოჯახს, ერთი და მეტი ტყუპი შვილის შეძენის გამო 2 ოჯახს გაეწია დაზმარება.

სოციალური მომსახურების სააგენტოს მონაცემთა ერთიან ბაზაში 0-დან 65000-ი ქულის ჩათვლით რეგისტრირებულმა საარსებო შემწეობის მიმღებმა 112 ოჯახმა, რომელთაც ჰყავთ 18 წლამდე ასაკის სამი და მეტი შვილი ერთჯერადად მიიღო - 300 ლარი.

სოციალურად დაცველ 4 ოჯახს, რომელიც სოციალური მომსახურების სააგენტოს მონაცემთა ერთიან ბაზაში დარეგისტრირებულია 0-დან 65 000 -ი ქულის ჩათვლით, პირველ და მეორე ახალშობილზე ჩაერიცხა ერთჯერადი დაზმარება - 300 ლარი.

ერთჯერადი ფულადი დაზმარება გაეწია იძულებით გადაადგილებულ, სამშობლოს დაცვისას დალუპულთა და ომის შემდგომ გარდაცვლილ მეომართა სულ 18 ოჯახს, თითოეულს 250 ლარის ოდენობით.

ერთჯერადი ფულადი დაზმარებების ძირითადი ნაწილი მიმართული იქნა სოციალურად დაცველ იმ ოჯახებზე, რომელთა სარეიტინგო ქულა მონაცემთა ერთიან ბაზაში 65 000-დან 100001-ი ქულის ჩათვლით ფიქსირდება და ღებულობს საარსებო შემწეობას, წარმოდგენილი

დოკუმენტაციის საფუძველზე, პირად ანგარიშებზე თანხა ჩაერიცხა 121 სოციალურად დაუცველ ოჯახს თითოეულს 250 ლარის ოდენობით.

ერთჯერადი ფულადი დახმარება გაეწია საქართველოს ტერიტორიული მთლიანობისათვის ბრძოლის მონაწილის, სახელმწიფო გასაცემლის (კონცენსაცია, საპენსიო პაკეტი, საყოფაცხოვრებო სუბსიდიის მიმღებ 394 პირს (თითოეულს 350 ლარის ოდენობით), სხვა სახელმწიფო ტერიტორიული მთლიანობისათვის მებრძოლ 27 ომის მონაწილეს (თითოეულს 350 ლარის ოდენობით), ჩერნობილის ატომური ელექტროსადგურის სალიკვიდაციო სამუშაოებში მონაწილე 21 პირს გაეწია დახმარება (თითოეულს 350 ლარის ოდენობით), ცერებრალური დამბლით დაავადებულ 87 პირს (თითოეულს 500 ლარი), მკვეთრად გამოხატული შეზღუდული შესაძლებლობის მქონე 80 პირს, რომლებსაც სტატუსი მიენიჭათ თვალის დაავადების დიაგნოზით გაეწია ფულადი დახმარება (თითოეულს - 250 ლარი), თირკმლის ჩანაცვლებით თერაპიაზე დამოკიდებულ 39 პირს გაეწია დახმარება (თითოეულს - 1800 ლარი), შეზღუდული შესაძლებლობის სტატუსის მქონე 41 ბავშვს (თითოეულს - 300 ლარი), მარტოხელა მშობლის სტატუსის მქონე 39 პირს გაეწია დახმარება (თითოეულს 300 ლარის ოდენობით), ფსორიოზით დაავადებულ 37 პირს გაეწია დახმარება (თითოეულს 250 ლარის ოდენობით), ა(ა)იპ „სათნოების სახლის“ 190 ბენეფიციარს აღდგომის ბრწყინვალე დღესასწაულთან დაკავშირებით 100-100 ლარი. დედ-მამით ობოლ 2 ბავშვს გაეწია დახმარება (500 ლარის ოდენობით). წყალტუბოს მუნიციპალიტეტის ტერიტორიაზე რეგისტრირებული შეზღუდული შესაძლებლობის მქონე 3 სტუდენტს გაეწია თანადაფინანსება გადასახდელი თანხის 50%-ით. პარკისონით დაავადებულ 27 პირს გაეწია ერთჯერადი ფულადი დახმარება (თითოეულს 200 ლარის ოდენობით), ფენილკეტონურიით დაავადებულ 18 წლამდე 5 ბავშვს გაეწია დახმარება (თითოეულს 500 ლარი), ონკოლოგიური დაავადების მქონე 3 ბავშვს გაეწია დახმარება (თითოეულს 500 ლარი). დღეგრძელ პირს გაეწია ფულადი დახმარება 1000 ლარი.

წყალტუბოს მუნიციპალიტეტის სტიქიის, ხანძრის შედეგად დამდგარი ზიანის აღრიცხვის, შესწავლის, შეფასებისა და დახმარების აღმოჩენის მიზნით შექმნილი კომისიის გადაწყვეტილებით, დახმარება გაეწია ხანძრის და სტიქიის შედეგად დაზარალებულ 48 ოჯახს, დახარჯული იქნა 32 700 ლარი.

წყალტუბოს მუნიციპალიტეტის რამდენიმე ადმინისტრაციულ ერთეულში თავშესაფრის გარეშე დარჩენილია 17 მოქალაქე, მათ ბინის ქირის ასანაზღაურებელად თვეში ერთხელ გამოეყოთ - 150 ლარი. აღნიშნული მუხლი გათვალისწინებულია იმ უსახლკარო პირებზე, რომელთა საცხოვრებელი სახლებიც დაინგრა, დაიწვა ან საცხოვრებლად უვარებისი, ავარიული ან სიცოცხლისა და ჯანმრთელობისათვის საშიში გახდა სტიქიური უბედურების, უბედური შემთხვევის ან სხვა გარემოებების შედეგად, ასევე ოჯახში ძალადობის შედეგად უსახლკაროდ დარჩენილი, მუნიციპალიტეტში რეგისტრირებული ოჯახური ძალადობის მსხვერპლის სტატუსის მქონე პირის დროებითი საცხოვრებელი ფართით უზრუნველყოფისთვის.

მუნიციპალიტეტში რეგისტრირებულ 776 მოქალაქეს, გაეწია თანადაფინანსება გეგმიური და გადაუდებელი სტაციონალური ქირურგიული ოპერაციების, მათ შორის თვალის კოსმეტიკური სახის ან ცხვირის რინოპლასტიკის რეკონსტრუქციული ფორმის ოპერაციების, სხვა სამედიცინო მომსახურების (გარდა თერაპიულისა) ლაბორატორიულ-ინსტრუმენტული და სხვა სახის კვლევებისათვის. დახმარება გაეწია აუტიზმის სპექტრის აშლილობის დიაგნოზის მატარებელ 30 ბავშვს.

წყალტუბოს მუნიციპალიტეტში კოვიდ პანდემიის პირობებში საზოგადოებრივი საჭიროებების საპასუხოდ მუშობდა ა(ა)იპ „წყალტუბოს მუნიციპალიტეტის საზოგადოებრივი ჯანდაცვის საკოორდინაციო ცენტრი“ და ა(ა)იპ „წყალტუბოს მუნიციპალიტეტის სათნოების

სახლი". აღნიშნული ა(ა)იპ-ები დღესაც აგრძელებენ ყოველდღიურ რეჟიმში მოქალაქეებზე საჭირო სერვისების მიწოდებას.

კერძოდ: ა(ა)იპ „წყალტუბოს მუნიციპალიტეტის საზოგადოებრივი ჯანდაცვის საკოორდინაციო ცენტრი“ აწარმოებდა და აწარმოებს კოვიდტესტირებას. უსიპტომო, ინფიცირებულებთან კონტაქტში მყოფი პირების აღრიცხვასა და ტესტირებას, საზოგადოებრივ ორგანიზაციებსა და სტრატეგიულ ობიექტებზე მომუშავე თანამშრომლების კოვიდტესტირებას. ეპიდ-კვლევებს, უზრუნველყოფს საჭირო რეკომენდაციების გაცემას და ვაქცინაციის პროპაგანდას.

ა(ა)იპ „წყალტუბოს მუნიციპალიტეტის სათნოების სახლი“ უზრუნველყოფს კოვიდინფექციით დაავადებული და გადაადგილების უნარს მოკლებული ბენეფიციალებისთვის საკვების შინ მიტანას.

### ზედამხედველობის სფეროში

2021 წლის 9 თვის მანძილზე ადგილობრივ ბიუჯეტში დასუფთავების მოსაკრებლიდან შემოსულმა თანხამ შეადგინა 96 275 ლარი.

მიმდინარე წლის 5 ივნისსა (მსოფლიო გარემოს დღე) და 22 მარტს, (წყლის საერთაშორისო დღე) მუნიციპალიტეტის სხვადასხვა ლოკაციებზე მოეწყო დასუფთავების აქციები COVID-19-ის რეგულაციების სრული დაცვით.

გამოვლენილ იქნა სამშენებლო სამართალდარღვევის ფაქტები და მათ წინააღმდეგ გამოყენებულ იქნა კანონით განსაზღვრული ღონისძიებები. სამშენებლო სამართალდარღვევებიდან ბიუჯეტში შემოსულმა თანხამ შეადგინა 8100 ლარი.

### შიდა აუდიტისა და მონიტორინგის მიმართებაში

მომზადდა 2 (ორი) აუდიტორული ანგარიში, რომლებიც შეეხება „წყალტუბოს მუნიციპალიტეტის მერიის ჯანმრთელობისა და სოციალური დაცვის სამსახურსა და ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანებაში“ ჩატარებულ აუდიტორულ (შესაბამისობის) შემოწმებებს. აგრეთვე შიდა აუდიტორული შემოწმება ჩაუტარდა „წყალტუბოს მუნიციპალიტეტის საზოგადოებრივი ჯანდაცვის ცენტრს“.

ჩატარებული აუდიტორული შემოწმებების შედეგად წყალტუბოს მუნიციპალიტეტის მერიის ჯანმრთელობისა და სოციალური დაცვის სამსახურს მიეცა 5 რეკომენდაცია, ხოლო ა(ა)იპ „წყალტუბოს მუნიციპალიტეტის კეთილმოწყობისა და დასუფთავების გაერთიანებას“ - 18 რეკომენდაცია. გაცემული რეკომენდაციები მიზნად ისახავს საბიუჯეტო და არასაბიუჯეტო სახსრებისა და რესურსების ეკონომიურად, ეფექტიანად და პროდუქტიულად გამოყენების; აგრეთვე სახელმწიფო შესყიდვების კანონიერად და ეფექტიანად განხორციელების, საერთო ჯამში კი ეფექტური შიდა კონტროლის სისტემის ჩამოყალიბების ხელშეწყობას.

## სამხედრო აღრიცხვის, გაწვევისა და მობილიზაციის სფეროში

სამხედრო აღრიცხვაზე აყვანილ იქნა სხვადასხვა წელს დაბადებული 142 მოქალაქე, გამოიცილებული წვევამდელებიდან, საქართველოს შემკრებ-გამანაწილებელ პუნქტში ჩაიყვანილ იქნა 96 წვევამდელი, მათგან საქართველოს სამხედრო ძალებში გაწვეულ იქნა -23, დამატებით, სამედიცინო გამოკველვაზე გაგზავნილ იქნა-6, სამხედრო სამსახურისთვის შეზღუდულად ვარგისად იქნა ცნობილი-79, უვარესისად სამხედრო სამსახურისთვის-5.

გამწვევი კომისიის მიერ მიღებული გადაწყვეტილებით, შეღავათი გაუფორმდა: 51 მღვდელმსახურს, 45-სტუდენტს, 37-მოსწავლეს, 14-დედისერთას, 13-ერთშვილიანს და 5-ორშვილიანს, 84-ს ერთიანი ეროვნული გამოცდების შედეგების გამოცხადებამდე.

მოხსნილია სამხედრო აღრიცხვიდან 55 გარდაცვლილი მოქალაქე, ასევე მოხსნილია და გადაყვანილია სამხედრო სპეც-აღრიცხვაზე-12, ხოლო საცხოვრებელი ადგილის რეგისტრაციის შეცვლასთან დაკავშირებით აყვანილია აღრიცხვაზე-18 მოქალაქე, ასევე გადაგზავნილია სხვადასხვა რეგიონებში რეგისტრაციის შეცვლასთან დაკავშირებით 7 მოქალაქე. სასამართლოებიდან შემოსული 45 განაჩენის ასლის შესახებ შესრულდა შესაბამისი ღონისძიებები, გაიცა რეზერვისტის დროებითი სამხედრო მოწმობა 41 რეზერვისტზე.

წყალტუბოს მუნიციპალიტეტის მერის ბრძანების საფუძველზე რეზერვში გადაირიცხა ზღვრული ასაკის (27 წელის) შესრულების გამო 124 მოქალაქე, ხოლო სამხედრო სამსახურის გავლის შემდეგ 28 მოქალაქე.

სამხედრო აღრიცხვის, გაწვევისა და მობილიზაციის საკითხებზე მომზადდა მერის 63 ბრძანება

## კულტურის, განათლების, სპორტისა და ახალგაზრდობის საქმეთა სფეროში

საანგარიშო პერიოდში კულტურული, ახალგაზრდული და სპორტული პროგრამების ფარგლებში განხორციელდა სხვადასხვა აქტივობები:

თებერვლის თვეში წყალტუბოს მუნიციპალიტეტის თვითმმართველობის პირველი პირები წარმატებულ ძიუდოსტებს შეხვდნენ და სპორტული კიმონოები გადასცეს;

25 თებერვალს გაიმართა საქართველოს ოკუპაციიდან 100 წლის გასვლის თარიღთან მიძღვნილი ღონისძიება;

3 მარტს აღინიშნა დედის დღე, ყველაზე ხანდაზმულ დედას გადაეცა სიმბოლური საჩუქარი;

8 მარტს ქალთა საერთაშორისო დღეს მიუღოცეს და სამახსოვრო საჩუქრები გადაეცათ მუნიციპალიტეტში მცხოვრებ ღვაწლმოსილ ქალბატონებს, წყალტუბოს რაიონული საავადმყოფოს კოვიდ-ცენტრის მედ-პერსონალსა და აგრარული ბაზარში დასაქმებულ ქალბატონებს.

21 მარტს დაუნის სინდრომის მსოფლიო კვირეულის ფარგლებში „წყალტუბოს ბავშვთა ინკლუზიური ცენტრის“ ბენეფიციარებთან შეხვედრა მოეწყო. ბავშვებს გადაეცათ ფასიანი საჩუქრები;

2 აპრილს აღინიშნა აუტიზმის ცნობადობის ამაღლების მსოფლიო დღე. წყალტუბოს ინკლუზიურ ცენტრში ღონისძიება გაიმართა;

9 აპრილს წყალტუბოს მუნიციპალიტეტში 1989 წლის 9 აპრილის ტრაგიკული მოვლენებისადმი მიძღვნილი ღონისძიება გაიმართა;

9 მაისს ფაშიზმზე გამარჯვების დღესასწაული ტრადიციულად დიდების მემორიალთან აღინიშნა წყალტუბოში. ადგილობრივი თვითმმართველობის წარმომადგენლებმა პატივი მიაგეს მეორე მსოფლიო ომში დაღუპულთა ხსოვნას და გვირგვინით შეამკეს უცნობი ჯარისკაცის საფლავი;

მუზეუმის საერთაშორისო დღისადმი მიძღვნილი კვირეული პანდემიიდან გამომდინარე განსხვავებული ფორმატით ჩატარდა. ღონისძიების ფარგლებში წყალტუბოს მუნიციპალიტეტის თვითმმართველობამ მხარეთმცოდნეობის მუზეუმში წარმოდგენილი გამოფენები დაათვალიერა და სამუზეუმო გაერთიანების აქტივობებს გაეცნო;

ბავშვთა დაცვის საერთაშორისო დღესთან დაკავშირებით წყალტუბოში სხვადასხვა სახის ბავშვთა გასართობი ღონისძიებები ჩატარდა;

საკონცერტო დარბაზ „ივერიასთან“, ღია სივრცეში, ა(ა)ი.პ „წყალტუბოს მუნიციპალიტეტის კულტურის ცენტრის“ ორგანიზებით სახალხო თეატრის მსახიობებმა სპექტაკლი: „იისფერას თავგადასავალი“ წარმოადგინეს, რომელსაც ქალაქის ტერიტორიაზე მცხოვრები მრავალშვილიანი ოჯახების პატარები ესწრებოდნენ;

ა(ა)იპ წყალტუბოს მუნიციპალიტეტის ბავშვთა და ახალგაზრდობის ცენტრის აღსაზრდელების მონაწილეობით მოეწყო კალიგრაფიის ნამუშევრების გამოფენა, ასფალტზე ცარცით ხატვა, საესტრადო სიმღერები შეასრულეს ვოკალური ჯგუფის „ოცნების“ წევრებმა;

სიმბოლურად აღინიშნა ცნობილი ქართველი კლასიკოსი მწერლის ოტია იოსელიანის დაბადებიდან 91 წლის იუბილე;

მერიის მხარდაჭერით წყალტუბოს მუნიციპალიტეტის ფოლკლორული ანსამბლი „ნადური“ უკრაინის ქალაქ სკადოვსკში იმყოფებოდა და კონცერტები გამართა. პირველი დიდი გამარჯვება ანსამბლმა საერთაშორისო ფესტივალზე მოიპოვა, სადაც უკრაინის, პოლონეთის, ბულგარეთის, აზერბაიჯანის და საქართველოს ვოკალური და ქორეოგრაფიული ანსამბლები მონაწილეობდნენ. ანსამბლმა „ნადურმა“ გრან-პრი მოიპოვა;

2 ივლისს წყალტუბოში ვეტერანი ფეხბურთელის, „სამგურალის“ ყოფილი მეკარის, მთავარი მწვრთნელის, ფეხბურთელთა არაერთი თაობის აღმზრდელის ნოდარ კოხოვიძის მემორიალური დაფა გაიხსნა.

8 აგვისტოს „საქართველოს დამოუკიდებლობისა და ტერიტორიული მთლიანობისთვის დაღუპულთა ხსოვნის“ მემორიალთან გაიხსენეს და პატივი მიაგეს 2008 წლის ომში დაღუპული ღირსეული მამულიშვილთა ხსოვნას;

10 აგვისტოს ტოკიოს ოლიმპიური თამაშების ვერცხლის პრიზიორს ბ/რ ჭიდაობაში იაკობ ქაჯაიას წყალტუბოს ადგილობრივმა თვითმმართველობამ შეხვედრა მოუწყო. შეხვედრა სპორტის სასახლეში საზეიმო ვითარებაში კოვიდ რეგულაციების დაცვით ჩატარდა;

27 სექტემბერს „საქართველოს დამოუკიდებლობისა და ტერიტორიული მთლიანობისთვის დაღუპულთა ხსოვნის“ მემორიალთან სოხუმის დაცემის დღესთან დაკავშირებით პატივი მიაგეს დაღუპულთა ხსოვნას;

29 სექტემბერს წყალტუბოში საპატიო მოქალაქეების დაჯილდოების ცერემონია გაიმართა. პანდემიის გამო ღონისძიება სახალხო დღესასწაულის „შემოდგომის წყალტუბოს“ ფარგლებში რეგულაციების დაცვით ჩატარდა.

## 6. მუნიციპალიტეტის მერის მიერ საანგარიშო პერიოდში განხორციელებული ინფრასტრუქტურული პროექტები

სივრცითი მოწყობის, არქიტექტურის, ინფრასტრუქტურისა და კეთილმოწყობის სფეროში მუნიციპალიტეტში მდგრადი ინფრასტრუქტურული განვითარების უზრუნველყოფის მიზნით ხორციელდებოდა საგზაო ინფრასტრუქტურის რეაბილიტაციის, მშენებლობების, ტერიტორიების განაშენიანებისა და კეთილმოწყობის, შენობა- ნაგებობების არქიტექტურული იერ-სახის გაუმჯობესების პროექტები.

გამოყოფილი დაფინანსების ფარგლებში საანგარიშო პერიოდში დასრულდა 21 საგზაო ინფრასტრუქტურული და 1 სასმელი წყლის ქსელის მოწყობის სამუშაოები შემდეგ მისამართებზე: სოფ. გეგუთში გზის ბეტონის საფარით რეაბილიტაციის სამუშაოები, ღირებულებით 639894 ლარი,

სოფ. ოფშევითში ინანეიშვილების უბანში გზის ბეტონის საფარით რეაბილიტაციის სამუშაოები ღირებულებით 318758 ლარი, კაპანაძეების უბანში ღირებულებით-286981 ლარი, მარგველაშვილების უბანში, ღირებულებით 399371 ლარი;

სოფ. ქვიტირში, ბაბუნაშვილების უბანში გზის რეაბილიტაციის სამუშაოები, ღირებულებით 494089 ლარი;

სოფ. წყალტუბოში მე-2 უბანში და სოფ ჩუნეშის დამაკავშირებელი გზის რეაბილიტაციის სამუშაოები, ღირებულებით-550576 ლარი;

სოფ. თერნალში ბზიკაძეების უბანში გზის ბეტონის საფარით რეაბილიტაციის სამუშაოები, ღირებულებით 299150 ლარი;

სოფ. გვიშტიბში ბეკნარას უბანში გზის ბეტონის საფარით რეაბილიტაციის სამუშაოები, ღირებულებით-387537 ლარი;

სოფ. ბანოჯაში 26-ე ქუჩის და სოფ. ხომულში სახერხის უბანში წმინდა გიორგის ტაძართან მისასვლელი გზების რეაბილიტაციის სამუშაოები, ღირებულებით- 212484 ლარი;

სოფ. წყალტუბოში მე-10 ქუჩის და სოფ გვიშტიბში 35- ე ქუჩის, ასევე ბეკნარას უბნის გაგრძელებაზე გზების რეაბილიტაციის სამუშაოები, ღირებულებით 231730 ლარი;

სოფ. ფარცხანაყანევში კოპიტნარის დევნილთა დასახლებაში სკოლასთან მისასვლელი გზის რეაბილიტაციის სამუშაოები, ღირებულებით-138872 ლარი;

სოფ. წყალტუბოში მე -2 უბნის და სოფ. ჩუნეშის დამაკავშირებელი გზის ბეტონის საფარით რეაბილიტაციის სამუშაოები, ღირებულებით--226299 ლარი;

სოფ. ქვილიშორში გზის რეაბილიტაციის სამუშაოები, ღირებულებით-167322 ლარი;

სოფ. მუხიანში ბერძენეძების უბანში გზის რეაბილიტაციის სამუშაოები, ღირებულებით-189963 ლარი;

სოფ. წყალტუბოში მაჭარაშვილების უბანში გზის რეაბილიტაციის სამუშაოები, ღირებულებით-101678 ლარი;

სოფ. მუხიანში, სულაკაძეების უბანში გზის რეაბილიტაციის სამუშაოები, ღირებულებით-285673 ლარი;

სოფ. გეგუთში გიგიაძეების და მაჩალაძეების უბნებში გზების რეაბილიტაციის სამუშაოები, ღირებულებით-114478 ლარი;

სოფ. ფარცხანაყანავში 29- ე ქუჩის ბეტონის საფარით რეაბილიტაციის სამუშაოები, ღირებულებით-353028 ლარი;

ქ. წყალტუბოში ჭავჭავაძის ქ. №10, დედაენის ქ.№9 და ბესიკის ქ.№1 ბინებთან მისასვლელი გზების რეაბილიტაციის სამუშაოები, ღირებულებით- 93144 ლარი;

ქ. წყალტუბოში გოგებეშვილის ქ. №2 და №2ა ბინებთან მისასვლელი გზების რეაბილიტაციის სამუშაოები, ღირებულებით-80438 ლარი;

სოფ. ქვიტირში მე- 17 ქუჩის ბეტონის საფარით რეაბილიტაციის სამუშაოები, ღირებულებით 60145 ლარი;

სოფ. რიონში სასმელი წყლის ქსელის მოწყობის სამუშაოები, ღირებულებით- 614005 ლარი; მაღალმთიანი სოფლების განვითარების პროგრამის ფარგლებში 439227 ლარით დაფინანსდა

სოფ. ლეხინდრისთავში საავტომობილო გზის სარეაბილიტაციო სამუშაოები.

2021 წლის საანგარიშო პერიოდში დასრულდა ადგილობრივი ბიუჯეტით დაფინანსებული შემდეგი ინფრასტრუქტურული სამუშაოები:

სამოქალაქო ბიუჯეტის ფარგლებში: - ქალაქ წყალტუბოში, ლორთქიფანიძის ქუჩა №1-ის მიმდებარედ, მესხისა და გ. ტაბიძის ქუჩებზე, ასევე ნინოშვილის ქუჩაზე №1 ჩიხის მიმდებარედ სკვერის მოწყობის სამუშაოები (ღირებულება 136857 ლ); ასევე, ამავე ბიუჯეტის ფარგლებში, ამავე მისამართებზე სანიაღვრე არხების მოწყობის სამუშაოები (ღირებულ-45015 ლ); წყალტუბოს მუნიციპალიტეტის შიდა გზების თოვლის საფარისაგან გაწმენდისა და სტექიის შედეგად მიყენებული ზიანის აღმოფენის სამუშაოები (ღირებულ 25000 ლ); ქალაქ წყალტუბოში, ჭავჭავაძის ქუჩა N3 ბინის მიმდებარედ, ჭავჭავაძის ქუჩის მე-2 ჩიხში, ვაჟა-ფშაველას ქუჩაზე და ცენტრალურ სტადიონთან მისასვლელი გზების ასფალტო-ბეტონის საფარით რეაბილიტაციის სამუშაოები (ღირებულ.128444); სოფელ გეგუთში, სკოლასთან მისასვლელი გზის და სოფელ წყალტუბოში 26-ე ქუჩაზე გზის ასფალტო-ბეტონის საფარით რეაბილიტაციის (ღირებულ-70684 ლ), ქალაქ წყალტუბოში, ქუთაისის ქუჩაზე არსებული სახიდე გადასასვლელის აღდგენის სამუშაოები (ღირებულ-36642 ლ), სოფელ ცხუნკურში ხიდ-ბოგირის მოწყობის სამუშაოები ღირებულ-49000 ლ.

ადგილობრივი ბიუჯეტის დაფინანსებით დასრულდა ქალაქ წყალტუბოში, თბილისის, გორგასლის, ყაზბეგის, ჭონქაძის ქუჩებზე სანიაღვრე არხების რეაბილიტაციისა და გამსახურდიას ქუჩაზე სანიაღვრე ქსელის მოწყობის ( ღირებულ-273983 ლ), ქალაქ წყალტუბოში, ჭავჭავაძის ქუჩაზე, თამარ-მეფის ქუჩაზე, ჩოლოყაშვილის ქუჩა N1 და თბილისის ქუჩა N1 ბინების მიმდებარედ სკვერებისა და ატრაქციონების მოწყობის ( ღირებულ-237748 ლ), სოფელ ყუმისთავში სასმელი წყლის ქსელის მოწყობის( ღირებულ-83000 ლ), სოფელ ცხუნკურში სასმელი წყლის ქსელის მოწყობის( 43200 ლ), სოფელ ხომულში სასმელი წყლის ქსელის მოწყობის( ღირებულ-83300 ლ), სოფელ წყალტუბოში მე-8 ქუჩაზე კედლის მოწყობისა და გზის ბეტონის საფარით რეაბილიტაციის, აგრეთვე სოფელ წყალტუბოში იმერეთის ქუჩის გაგრძელებაზე გზის ასფალტო-ბეტონის საფარით რეაბილიტაციის ( ღირებულ-135000

ლარი), ქალაქ წყალტუბოში, ქუთაისის ქუჩაზე გზის სარეაბილიტაციო სამუშაოები ( ღირებულ 155501 ლ).

დელეგირებული უფლებამოსილების ფარგლებში სარეაბილიტაციო სამუშაოები დასრულდა მუნიციპალიტეტის 4 საჯარო სკოლაში ( სოფ. გვიშტიბი, სოფ. უკანეთი, ქ. წყალტუბოს პირველი და მე-2 საჯარო სკოლები) რომელთა ჯამური სატენდერო ღირებულება-78275 ლარია.

საანგარიშო პერიოდში დელეგირებული უფლებამოსილების ფარგლებში წყალტუბოს მუნიციპალიტეტის მერიასა და შპს „მარმენიოს“ შორის 2020 წლის 19 თებერვალს გაფორმებული ხელშეკრულების შესაბამისად საჯარო სკოლების მოსწავლეთა ტრანსპორტირების დაფინანსება მთლიანად ხორციელდებოდა საგანმანათლებლო ინფრასტრუქტურის განვთარების სააგენტოს მიერ. მ/ წლის 7 და 24 სექტემბერს აღნიშნულ ხელშეკრულებაში საჯარო სკოლების ადმინისტრაციის მოთხოვნით შეტანილი ცვლილების შემდეგ სახელშეკრულებო ღირებულება გაიზარდა 2105 ლარით და 2021 წლის 19 თებერვლიდან 2021 წლის 4 ოქტომბრამდე გაწეული და 4 ოქტომბრიდან 30 დეკემბრამდე გასაწევი მომსახურებისათვის ასანაზღაურებელი თანხის მოცულობამ ჯამურად - 236693 ლარი შეადგინა.

ბინათმესაკუთრეთა ამხანაგობების განვითარების ხელშემწყობი პროგრამის ფარგლებში მიმდინარე წელს ადგილობრივი ბიუჯეტის შესაბამისი პროგრამული მუხლიდან საცხოვრებელი კორპუსების სახურავების, სადარბაზოების, ლიფტების შეკეთებისათვის 330 000 ლარი გამოიყო. გამოყოფილი დაფინანსების ფარგლებში საანგარიშო პერიოდში თანადაფინანსებით შეკეთდა მრავალი ბინა საცხოვრებელი კორპუსების სახურავები კოლხეთის ქ. მე- 2 შეს. №16- ში ( სამუშაოების სახელშეკრულებო ღირებულებამ 20977 ლარი შეადგენდა), მუხიანის მეფრინველობის ფაბრიკის №2 საცხოვრებელ კორპუსში (სამუშაოების სახელშეკრულებო ღირებულება 18872 ლარია), ბარათაშვილის ქ. №14- ში (სახელშეკრულებო ღირებულებამ 35400 ლარი შეადგინა), დედაენის ქ.№ 5 საცხოვრებელ კორპუსში( სახელშეკრ. ღირებულება-15300 ლარი), სოფ. მაღლაკში იმერეთის საყრდენ პუნქტის №15 -ში ( ღირებულებით 16471 ლარი), ბესიკის ქ. 5- ში ( ღირებულება 13560 ლ), გ. ტაბიძის ქ. №19- ში ( 19843 ლ), დედაენის ქ. მე -2-ჩიხი 2- ში ( 13350 ლარი), დედაენის ქ. 13- ში (29803 ლ). გამოცხადებულია ტენდერები ბესიკის ქ № 4, 9 აპრილის ქ №15 და რუსთაველის ქ 1 ჩიხი №2 საცხოვრებელი სახლების სახურავების შეკეთებაზე.

ტენდერების შედეგად წარმოქმნილი ეკონომიკით წლის ბოლომდე დამატებით დაფინანსდება სხვა საცხოვრებელი კორპუსების სარეაბილიტაციო სამუშაოები.

„სოფლის მხარდაჭერის პროგრამის ფარგლებში“ მე-4 კვარტლის დასაწყისში მუნიციპალიტეტის სოფლებში დასრულდება დაწყებული ინფრასტუქტურული სამუშაოები ( ძირითადაც ბეტონის შესყიდვისა და გარე განათების ქსელის მოწყობის სამუშაოები) რომლებიც მოსახლეობის მოთხოვნების შესაბამისად მუნიციპალიტეტის სოფლებში გამართული მოსახლეობის საერთო კრებების გადაწყვეტილებების საფუძველზე იქნა შერჩეული. სულ ამ მიმართებით სამუშაოების განსახორციელებლად 782000 ლარია გამოყოფილი, აქედან ცენტრალური ბიუჯეტიდან 704000 ლარი, ხოლო ადგილობრივი ბიუჯეტიდან-42000 ლარი.

## 7. მუნიციპალიტეტის საკრებულოში მერის მიერ ინიცირებული საკითხები

მერის მიერ საკრებულოში წარდგენილი ინიცირებული საკითხების შესაბამისად მომზადებული იქნა საკრებულოს განსახილველად წარუდგინა 50 განკარგულებისა და 13 დადგენილების პროექტი

## 8. მუნიციპალიტეტის მერის მიერ საანგარიშო პერიოდში გამოცემული

ინდივიდუალური ადმინისტრაციულ-სამართლებრივი აქტების რაოდენობა

საანგარიშო პერიოდში მომზადდა და გამოიცა 2634 მერის ბრძანება

9. მუნიციპალიტეტის მერის მიერ საანგარიშო პერიოდში დადებული ხელშეკრულებების და მემორანდუმების რაოდენობა

2021 წლის 25 მაისს წყალტუბოს მუნიციპალიტეტის მერმა გრიგოლ იოსელიანმა და მოლდოვის ქალაქ უნგენის მერმა ალექსანდრე ამბროზმა გააფირმეს ურთიერთთანამშრომლობის მემორანდუმი, რომელიც ორ დამეგობრებულ ქალაქს შორის ეკონომიკის, ტურიზმის, კულტურის სფეროებში და საგანმანათლებლო მიმართულებით თანამშრომლობას ითვალისწინებს.

## 10 შეხვედრების რაოდენობა

მუნიციპალიტეტის მერი სისტემატიკურად ხვდებოდა მოსახლობას, შეხვედრები იმართებოდა როგორც ინდივიდუალურ რეჟიმში, ასევე სოფლებში და ქალაქის უბნებში, პანდემიიდან გამომდინარე მასშტაბური შეხვედრები არ გამართულა, თუმცა საერთო ჯამში გაიმართა 82 შეხვედრა, რომელსაც დაესწრო 3000 -ზე მეტი მოქალაქე

## 11. მოქალაქეთა პრობლემებზე მერის მიერ რეაგირების ფორმები,

მოქალაქეთა ძირითადად მოგვმართავდნენ ჯანმრთელობის მდგომარების გამო, ითხოვდნენ ოპერაციებისა და მკურნალონის თანხების თანადაფინანსებას, ეს საკითხები დადებითად წყდებოდა მიმდინარე წლის ბიუჯეტში განსაზღვრული პროგრამების ფარგლებში, რაც შეეხება ინფრასტრუქტურის მიმართულებას, მოქალაქეთა კოლექტიური და ინდივიდუალური განცხადებების შესაბამისად ხდებოდა კონკრეტულ მისამართებზე სხვადასხვა საზის პრობლემების მოგვარება და ინფრასტრუქტურული პროექტების განხორციელება, ასევე მოქალაქეთა განცხადებებიდან გამომდინარე, იცემოდა მიწის საკუთრების მოწმობები და დადებითად წყდებოდა ბინათმესაკუთრეთა ამხანაგობების მიერ დასმული საკითხები.

გრიგოლ იოსელიანი

 წყალტუბოს მუნიციპალიტეტის მერი